

山西府縣志輯

三

乾隆鄉寧縣志
光緒續修鄉寧縣志
民國鄉寧縣志
光緒大寧縣志
道光偏關志

中國地方志集成

山西府縣志輯 ⑤7

乾隆鄉寧縣志

光緒續修鄉寧縣志

民國鄉寧縣志

光緒大寧縣志

道光偏關志

鳳凰出版社 ● 上海書店 ● 巴蜀書社

序

邑之有志猶國之有史不徒志山川輿圖建置所以昭成憲垂典禮宣上德達下情也古者士君子身之所歷必能舉其地之形勝時之沿革與夫物產之夥邦賦之經有闕于吏治民生

序

一

至於徵言考獻尤極不忘焉非細故也遊歷若斯況於仕宦之于其地者乎惟是名都大邑不難揚厲鋪張而藁爾彈丸或不免抱殘守缺因陋就簡人情大抵然矣然亦視其人自所樹立何如耳孔子作春秋文

序

二

朱家萬其音數千不遺小國之諸侯故滕薛邾莒方六七十里如五六十或不能五十里者未嘗不大書特書炳烺昭如日星焉況今之縣治雖衝僻不同繁簡必異大都不下百里方古之大國諸侯余於癸

卯春由冬官出守平陽於所屬十邑一州行部之餘問民俗攷古蹟徵軼事見此地為帝堯舊都民俗醇古詩人所吟蟋蟀秋社之風于今不甚相遠慨然想見康衢擊壤之遺披閱郡志脩於乾隆元年迄今如

十年來其間屬邑改隸生
齒繁多科目聒嗣官僚擢
調在宜有所增績思更葺
之然物力未裕採訪維艱不
得不從容有待也鄉寧大尹
葛君以所修鄉邑縣志脫稿
呈覽字稱已奉

序

三

藩憲委負校正詳蒙

院憲批准飭令照稿刊刻
現在覓匠將付剞劂請余
為數言弁首披覽之下見其
搜羅各考頗有苦心蓋平陽
昔屬州縣凡三十有四古物鄉
邑皆屬也雍正二年以古物為

直隸州鄉寧隸焉乾隆三十
七年古物仍改散州與鄉邑
俱仍隸平郡而以平陽所屬
之霍州為直隸州趙城屬之
此亦沿革之一端法良而意
美者按鄉寧志創於明季
步歷間康熙十一年邑令張

序

四

君修之迄今已百有餘歲誠
不可不脩而葛君所著較之
舊志有過之無不及焉然皆
簡而明詳而不冗傳曰修辭立
其誅昔黃帝命蒼頡作史
官而史之名以立相傳蒼頡
故里實生臨汾又孟子稱晉之

乘而董狐史趙一時良史皆
晉人也自封建改為郡縣小
史外史之官廢而志于是立
唐曰括地志曰寰宇元明曰一
統志也閩中惟武功志稱
佳本為康對山手草只七篇
地理建置祠祀田賦官師人

序

五

物選舉而已武功在陝亦紀大
邑而其志至今獨傳以其文
高古典核不在乎詩多闕處
也我

國家

列聖相承重熙累洽

今天子德威化神宵旰憂勤求

治纂修天下通志高文典冊
鼓吹休明而四庫全書館無
美不臻片長必錄石渠天祿
何多讓焉並之

各憲廉明求賢若渴拔茅
連茹後軫方道鄉寧雖於
郡為小邑將為君子將為野

序

六

人矧荀息為晉國孤忠王績
則醉鄉高士王通弟子房杜
之相業爛然老將廉頗趙
國之河山增色興懷注哲不
薄今人明季人才亦登顯仕
而近在目前者壬申則兄弟
聯芳辛卯則武儒

賜第何地無寸足先史策而
況大山啼鳥澗水落花屣
唱猿啼雲惹霞蔚一壑一
邱安非佳致官仕地者豈不
足為治也歟況前令脩志之
時值寇氣之方靖愁未起于
瘡痍而今則比戶盈寧窮簷

序

七

樂利士食舊德農服先疇較
之往昔大不相同蓋天下之平
久矣民生不見外事漠然惟
見山高而水清上歌下舞
德咏仁千載一時也官斯土者
幸際

昌期與民休息而又以地僻民淳

簿書多暇得從事于筆墨
史貴闕疑志以傳信例類雖
異其義一也然則是書也必舛
譌補缺遺刪繁複汰浮夸可
以質其疑而傳其信所謂
盛世之音安以樂其政和匪惟吾
子之善于其職蓋乃適遇乎

序

八

斯時也葛君甲子孝廉任舉
比擢宰斯邑是良吏即良史
也是為序

乾隆四十九年歲次甲辰秋七月
誥授朝議大夫知平陽府事加
三級又軍功隨帶加二級紀錄
五次長白保定拱



重修鄉寧志序

凡志之難非有其人與事而載筆之難又非蓄採不富決擇不審之難也學不博不足與道古識不通不足與論今朝廷政體非草茅之士所知閭閻艱辛非誦讀之時所見而欲挾鬼國續貂尾難矣清以庸腐謬膺民社於乾隆己亥陽月

序

之吉到鄉寧任政事之暇日與邑之紳士接僉言舊志簡略成於康熙十一年迄今百餘載

國家累洽重熙之治不詳邑人孝義節烈之懿不著欲重行脩葺以為大清會典明備之一助於是取張公之志而細閱之則藹乎仁人之言也其蒞任最久山川之險易風俗

列聖

之澆淳編氓之蓋藏衿士之學殖無一不洞悉於胸中而後從事固非初行蒞任者所敢輕議也然而原本經義旁參史傳上宣

列聖之深仁下切當今之時務則其時有未逮者甚矣創始難而續而終之尤非易易也於是搜羅舊牘又遣使遍歷境內山川名勝詳攷而

序

二

謹言之於田賦則志累朝之蠲賑於戶口則志康熙三十年之永不添丁於城池建置則溯元魏以迄宋元於山川關隘則攷北齊後周及唐初之擴清明季之潰敗於人物則表嘉父之忠及有明王鄭二公之高風駿烈於官師則志李張二公之愛民造士潔已奉公於禮

序

三

俗則隨事釐正折之以先王之典
 下至小民一節之善靡不畢錄凡
 此皆前志所未逮也雖然古人於
 民間夫家衆寡以及馬牛車輦無
 不周知蓋恤其所不足非盡取而
 用之也今合一縣之人丁物產如
 數家珍而刊之梨棗其思有以取
 之乎抑亦有以予之乎此固清之

所捫心自矢而後之蒞斯土者亦
 宜長體此心休息民生以培
 盛朝之元氣是所望爾

昔

乾隆四十九年歲次甲辰長至月
 知鄉寧縣事渚陽葛清自序



圖考

鄉寧縣志

卷一 輿圖






鄉寧縣志

卷一 輿圖

二



禹門級境圖


鄉寧縣志

卷一 輿圖

三



縣治圖



重修邑志姓氏

纂修

知鄉寧縣事葛清直隸任縣人

分修

鄉寧縣訓導閻秉升

鄉寧縣訓導彭清泰

鄉寧縣典史饒建邦

校正

原任萬縣知縣邑人劉文華

永寧州訓導邑人龔壯圖

鄉寧縣志卷一姓氏

右玉縣訓導邑人郭崧

候補按知事邑人成助

邑康生鄭欽天

分校

邑歲貢生楊文選

候選千總邑人陳炳烜

邑優生劉文臺

邑廩生鄭軸

邑增生王鳴鐸

採訪

邑恩貢生王起鎔

候選州同邑人鄭轅

邑增生鄭珍

邑庠生王懋鏗

邑庠生尉文周

邑庠生王龍池

邑庠生張沖天

督刊

國學生成勛

國學生王運振

鄉寧縣志卷一姓氏

國學生閻永詔

邑庠生景鴻達

邑從九品文欽彰

邑從九品賀敏

重修邑志姓氏

明

萬歷年創修

邑令焦守已晉城人

教諭梁隆吉長安人

國朝

康熙十一年重修

邑令張聯其 益都人

訓導王調鼎 鄒城人

邑人成伯英 平涼府知府

邑人鄭牧民 臨海縣知縣

邑人楊治 庠生

邑人高愛岳 庠生

邑人盧場彤 庠生

鄉寧縣志

卷一 姓氏

三

鄉寧縣志目錄

疆域 沿革分野圖考附第一卷

山川 第二卷

城鎮 壇廟公署倉廩舖舍陵墓附第三卷

田賦 第四卷

戶口 第五卷

官師 第六卷

人物 第七卷

仕進 第八卷

旌封 第九卷

鄉寧縣志 目錄

積貯 第十卷

學校 第十一卷

禮俗 第十二卷

物產 第十三卷

祥異 第十四卷

藝文 第十五卷

鄉寧縣志卷一

疆域

鄉寧地域遼闊無攷然堯都平陽鄆都蒲坂禹都安邑則皆在五白里甸服之內於堯之先之所先破而重華文命累洽而重熙者也至商都遷耿尤近畿矣周既東遷晉獻公滅耿而有之與秦接壤而兩國兵爭春秋戰國無寧歲後世元魏置平昌縣而北齊後周大牙相錯一攻一守則史之所載文成鎮柏谷城是也厥後置廢不常廢之者以其僻陋而貢賦薄道之者以其險遠而保障難各一見也今鄉寧惟北界

鄉寧縣志

卷一 疆域

差近東西南皆百里而遙而詰曲崎嶇一有命盜長民者歷鳥道而探猿穴未嘗不以爲苦况欲兼轄而巡領之哉我

朝德威所被車書萬里而山西爲京師右輔乃禹貢揆文教之地又山陝雖曰同鄉而中畫郊圻固守土之要務也志疆域

沿革

前古地域無攷至春秋畧可辨識晉侯失國奔隨焉父適之於隨而納諸鄆即今縣治也西南至河津一百二十里通志以河津爲耿據左氏晉獻公滅

耿賜趙夙也金天德三年改慈州爲耿州明昌元年更爲吉州北至吉州

六十里通志以爲北屆據左氏晉獻公爲公子夷

吾城屈也縣治北有屈家灣舊志以爲晉產良馬地此皆迫近本治山

峰攢疊人民稀少屆耿屬屈皆可信據獨至本縣

則通志以爲晉狐廚邑又引杜注臨汾西北有狐

谷亭則縣境在臨汾直西迤南並非西北未見其

確白漢以後始有與地志可攷漢魏晉皆屬臨汾

北魏析臨汾置太平又分太平置昌寧即今縣矣

隋置平昌縣唐貞觀二年平昌更名昌香後唐昌

寧改鄉寧始著今名後周廢昌香縣至宋神宗熙

鄉寧縣志

卷一 沿革

寧五年廢鄉寧縣分隸襄陵太平元祐間又以昌

香併入鄉寧是鄉寧不久卽復而昌香原與鄉寧

爲二縣也金隸吉州元至元二年省入吉州後復

置明隸平陽府吉州

國朝因之雍正二年以吉州爲直隸州轄鄉寧一縣至

乾隆三十七年以吉州簡僻改爲單州以鄉寧屬

平陽府

分野

按周禮保章氏以星土辨九州之地所封域皆有分星以觀妖祥鄭司農註參爲晉星之偶是也鄭

康成註大界則曰九州中諸國之封域於星亦
有分焉其書亡矣堪輿雖有郡國所入度非古較
也今其存可言者十二次之分也實沈晉也又按
春秋傳魯昭公元年子產以實沈爲參神而參爲
晉星自高辛氏以迄有周源委備悉顧舊志弗之
引而博引他書其引帝王世紀曰晉魏分野當實
沈之次而註自畢十二度至東井十五度爲晉魏
分野則東井三十三度而以其弱半爲晉分恐未
然也其引唐志曰河東古冀州城爲實沈大梁之
分者大梁趙之分星謂昴畢也七國時趙地東至

鄉寧縣志

卷一 分野

三

清河雖亦冀州之域非晉地也其引晉志自胃七
度至畢十一度爲大梁在西屬冀州引史記昴畢
冀州者指趙地言之非韓魏也其引晉天文志河
東入張一度者指韓地言之韓與東周隣張爲魏
火之次東周分也其引韓地角氏亢之分野者角
氏亢壽星之次鄭之分野戰國時鄭故以角
氏亢屬韓而又註六國時河東屬韓此乃韓之
本國絕無交涉者也惟所引平陽諸參出寰宇志
當無外謬而以縣治亦屬贅參爲近之至我

大清乾隆四年修明史成頒行天下則天文志載洪武

十七年清類分野書成以畢七度至井八度爲實
沈之次以絳蒲吉陽解霍皆當參分鄉寧原屬吉
州今屬平陽其爲贅參無疑又鄉寧西距韓城百
里韓城在昔猶晉地也禹貢冀州治梁及岐詩云
奕奕梁山維禹甸之有俾其道韓侯受命春秋秦
伯伐晉三敗及韓獲晉侯又梁山崩傳不言晉爲
天下記異也則是武王之穆之韓春秋前已滅而
其子孫爲晉大夫因國以爲氏耳然則贅參分野
已踰陝界抑或洪武天文書所謂實沈之次至井
八度者顯屬闕疑以俟知者

鄉寧縣志

卷一 分野

四

疆域

鄉寧地域東西廣二百里南北長一百四十里東至
襄陵界一百一十里西至黃河一百里南至稷山
界一百一十里北至吉州界三十里東至襄陵縣
百五十里通平陽府西至黃河百里通陝西韓城
縣南至稷山縣百二十里通絳州北至吉州六十
里通大寧縣東南至太平縣百二十里通曲沃東
北至蒲縣百六十里通隰州西南至河津縣百一
十里通蒲州西北至黃河岸百里通陝西宜川縣
東至平陽二百里東北至太原府八百里至京二

千里

梁隆吉曰敷土分疆尚矣邑廣袤四百里許而弗得
上名都壯區非以地盡山磧哉

鄉寧縣志

卷一 疆域

五

鄉寧縣志卷二

山川

易曰地險山川邱陵也王公設險以守其國險之時
義大矣哉鄉寧閭境皆山陰森峭拔行徑皆緣崖臨
谷著足一定之地不可差分寸而又不敢下視也西
界大河自吉州壺口建瓴而下經流百餘里至縣境
香爐崖石磧數處噴薄震眩其險至矣然而前史所
載柏谷兩乳乃北齊後周制勝出奇之間道明崇正
三年陝賊自豁都至太平十六年李自成乘河冰凍
結竟渡船窩則當大半無警之日正宜相度地形設
關守隘思患而預防之也若徒登臨流覽以為憑胸
懷古詩酒之助亦非作志者之心也已志山川

總紀

鄉寧縣志

卷二 山川

一

邑全山形如佛手東北藐姑射山強半屬臨汾迤南
諸峰無專名西豁都峪界之姑射西為秦王山折
北而西金剛嶺其帶也嶺延二十里為高天山又
二十里為雲臺山直西為平原村以山原平衍故
名自平原村折南二十里為縣城之後山亦無名
村西三十里半屬吉州半屬鄉寧川北之山盡吉
州也金剛嶺直南三十里斷山嶺嶺之東亘六十

里紅花嶺東南崖下堡正南大林莊斷山嶺蜂腰而南五里復折西二十里爲分山二十里翁鷄山三十里尖山四十里林山分山南三官峪翁鷄山南馬壁峪尖山東南莊頭峪正南黃花峪林山東南佛峪旁通峪正南瓜峪西南四十里奇嵐山奇嵐山南爲奇當山奇當之東馬鞍山林山西全城嶺嶺南青石峽峽中兩乳山極西猴兒山西南塔子山餘平原無名邊山之界臨汾襄陵者名姑射界絳州太平者名馬首界稷山河津者名紫金此山峪之大畧也路之通陝甘者四一詒都峪一三官峪一馬壁峪一青石峽而上古通陝之路則八十盤也路經城裡村城南有古柏周齊王憲入兩乳山襲克齊柏社城兩乳去城不遠第北齊段韶攻柏谷史載石城千仞今城土基非石意相距八十盤或青石峽依險爲城歟然不可攷矣

東北邑全勢發原東北故首列里數皆距縣城計之

蕤姑射山百一十里南襄陵界西至潞鄆峪北大寧蒲縣界

莊子藐姑射之山有神人居焉肌膚若冰雪綽約若處子不食五穀吸風飲露乘雲氣御飛龍而遊乎

四海之外其神凝使物不疵厲而年穀熟之人也之德也將磅礴萬物以爲一世斬乎亂孰與擊以天下爲事之人也物莫之傷大浸稽天而不溺大旱金石流土山焦而不熱是其孳姤祗稷將猶陶鑄堯舜者也孰肯以物爲事堯治天下之民平海內之政往見四子藐姑射之山汾水之陽窅然喪其天下焉

秦王山卽藐姑射之支峰百二十里唐太宗爲秦王時屯兵於此與劉武周將宋金剛相持山南還馬滴通鑑唐武德二年六月定陽將宋金剛擊唐并州裴寂軍潰武周據太原遣宋金剛攻晉州拔之進逼絳州陷龍門又攻滄州隋之秦王世民引兵自龍門渡河屯柏壁與金剛相持堅壁不戰永安王孝基等攻賊黨呂崇茂崇茂求救於金剛金剛遣其將尉遲敬德尋相將兵奄至夏縣虜孝基等將還世民遣殷開山等邀之於美良川大破之敬德相潛引精騎援王行本於蒲坂世民自將步騎三千從間道邀擊又大破之復歸柏壁金剛戰屢敗食盡北走世民追及尋相於呂州大敗之乘勝逐北追及金剛於雀鼠谷一日八戰皆破之引兵

越介休金剛以衆二萬出西門背城布陣南北七
里世民率精騎擊之出其陣後金剛大敗敬德尋
相舉介休及永安降劉武周間金剛敗大懼棄并
州走突厥金剛欲復戰衆莫肯從亦走突厥
柏壁及秦王山金剛嶺攷

註綱目者以柏壁爲介休地非也劉武周已據太原
遣其將宋金剛陷龍門圍絳州矣唐兵安能卽至
介休與相持乎且金剛乘勝而前亦無仍在介休
之理據鑑秦王自龍門渡河屯柏壁則柏壁距龍
門當不甚遠今絳州柏壁有秦王屯兵遺跡載府
鄉寧縣志

卷二 山川

五

志稷山亦有柏壁村柏壁當在絳稷無疑也顧此
時不見金剛自戰惟尉遲敬德尋相襲虜永安王
孝基於夏縣而秦王遣殷開山破之於美良川敬
德相又援王行本於蒲坂而秦王自將精兵大破
之是金剛兵尚在後面敬德相又其前鋒也今縣
東北有金剛嶺與秦王山相對東西距六十里而
秦王之追敬德及相山馬壁峪而北有劍泉等遺
跡土人皆能言之至秦王山又屯兵與金剛相持
也迨金剛食盡北走秦王追及尋相於呂州大破
之乘勝逐北追及金剛於雀鼠谷一日八戰皆破

之然後引兵趨介休豈有方渡龍門卽屯兵介休
者哉至金剛背城戰秦王兵繞出其後又大敗之
敬德及相以介休及孝基等降武周及金剛先後
走突厥此其次第也舊志全不知有此事通鑑據
其大要而秦王山金剛嶺皆不載故詳地形攷時
勢而論列之如此

陟山嶺四十里前令田公建土神祠開路達平陽今
爲舖遞山下有泉達縣

高天山四十里山高十里出羣山三四里時繞雲氣
產花藥山下有泉名馬跑泉東蒿地溝馬圈澗西

鄉寧縣志

卷二 山川

五

劉家溝各有泉達縣

以上泉會流柏山北川名鄂水

高嶺在高天山西載通志

雲臺山三十里山下羅水源達縣東門與鄂水合入

黃河

正東

岱山十里因上建東嶽廟故名山下梁甫村有泉夏

冽冬溫

栢山十五里孤峯圓直古栢叢密川分南北上有晉

大夫荀息墓宋建隆建廟山腹至